

業以香華雜物浴佛形像者所願皆得諸天龍神常隨擁護皆當證明佛告諸弟子夫人身難得經法難聞其有天人能自滅損妻子之分五家財物用浴佛形像者如佛在時所願悉得欲求度世取無為道生生不與死會者可得欲求精進勇猛如釋迦文佛者可得欲求如文殊師利阿惟越致菩薩者可得欲求轉輪聖王飛行教化者可得欲求辟支佛阿羅漢者可得欲求離三惡道者可得欲求生天上人間富樂者可得欲求百子千孫者可得欲求長壽無病者可得世間人民貪欲如海寧割身上一鬻肉不肯出一錢物與人人生時不持一錢來死亦不持一錢去財物故在世間人死當獨去憶如此者乃浴佛形像持是功德生死相隨無有斷期佛言若人有一善之心作是功德者諸天善神天龍八部四天王等僉然擁護浴佛形像福報所生常得清淨從是因緣得成佛道

佛說灌洗佛經

女六

佛說灌洗佛經

一名摩訶剌頭

女

乞伏秦沙門聖堅譯

摩訶剌頭諸天人民長老皆明聽夫得為人難無上道亦然人命難得佛世難值釋迦文佛本出阿僧祇劫時佛身作白衣時累功積德每生自尅展轉五道不貪財寶出身施與自致為王太子以四月八日夜半明星出時生墮地行七步舉右手而言天上天下我當為人民作師太子生時天地皆為大動第七梵天第二忉利天王釋及第一四天王皆來下持十二種香湯雜華用浴太子身太子立身作佛開現道法以示天下人

佛告天下人民十方諸佛皆用四月八日夜
 半時生十方諸佛皆用四月八日夜半時去
 家入山行學道十方諸佛皆用四月八日夜
 半時得佛道十方諸佛皆用四月八日夜半
 時般涅洹佛言所以用四月八日者何春夏
 之際殃罪悉畢万物普生毒氣未行不寒不
 熱時氣和適今是佛生日故諸天下人民共
 念佛功德浴佛形像如佛在時是故以示天
 下人佛言我為菩薩在時三十六反為天
 王釋三十六反作金輪王三十六反作飛行
 皇帝今日諸賢者誰有好心善意念釋迦文
 佛恩德者以香華浴佛形像求第一福者諸
 天鬼神龍皆所證明佛言人身難得佛經難
 值若能自減省持五家財物用浴佛形像自
 在所願欲求度世無為道長不欲與生死會
 者可得欲求精進勇猛立身如釋迦文佛者
 可得欲求文殊師利阿惟越致菩薩飛行教
 授人民具相可得欲求辟支佛阿羅漢可得

欲求閉絕三惡根本生天上人間可得欲求
 作第七梵天及第二忉利天王釋可得欲作
 飛行皇帝可得欲在世間豪貴可得欲求財
 富巨億万家生可得欲求百子千孫可得欲
 求長壽無病可得世間人寧亡身上一鬻肉
 不欲亡一錢人生不持一錢來死亦不持一
 錢去財物故留世間坐財物死當受苦惱持
 用浴佛形像者生死與俱無有斷絕佛言閻
 浮利內外諸天梵釋鬼神龍皆當擁護浴佛
 形像者從是因緣令諸賢者疾得佛泥洹道
 佛言諸持好香華汁浴佛形像者自得其福
 在所從生常得清淨名聞十方持好華散上
 佛者自得其福在所從生常得端正好色無
 比持繒幡上佛者自得其福在所從生常得
 自然好衣無極佛言我累功積德行善至誠
 持戒忍辱精進一心智慧乃自致得作佛耳
 灌佛形像所得多少當作三分分之一者為
 佛錢二者為法錢三者為比丘僧錢佛錢繕

女六

十

作佛形像若金若銅若木若泥若素若畫以佛錢修治之法錢者架立樓塔精舍籬落墻壁內外屋是爲法錢比丘僧有万錢千比丘當共分之若無衆比丘但一分作有以一分給與法錢數人亦三分分之出以一分持後法僧錢一文以上不言妄用私取一錢自私用以爲施惠見世貧極後長受苦寧以利刀割肉以施惠人不以灌佛一錢私作恩惠寧吞洋銅不以灌佛一錢以作恩分寧自投大火中不以灌佛一錢與妻子若共持治生飯食也今見世當受恐怖後世魂神當受是痛世人多有發意求所願者布施之日不計少多趣使充饒事業畢竟者疲極衆家殘餽饌噉食不盡當持那置佛言少多皆當送以給與守嵩寺中持法沙門衆僧自共分以出物當望生云何春種食之福那得生耶不應各各竟分分歸與妻子是爲種於石上根株焦盡終無生時今以布施者餘福重以施衆僧

是爲施一得万倍

四月八日浴佛法 都梁 藿香 艾納

合三種草揅而漬之此則青色水若香少可以紺黛秦皮權代之矣鬱金香手揅之漬之於水中揅之以作赤水若香少若乏無者可以面色權代之丘隆香揅而後漬之以作白色水香少可以胡粉足之若乏無者可以白粉權代之白附子揅而後漬之以作黃色水若乏無白附子者可以支子權代之玄水爲黑色最後爲清淨今見井華水名玄水耳右五色水灌如上疏以水清淨灌像訖以白練若白綿拭之矣斷後自占更灌名曰清淨灌其福與第一福無異也

英聖院比丘清滿書

佛說灌洗佛經

女六 十一